

梁

園

風

雅

梁園風雅卷八

何大復

五言律詩

避雨山舍望見蒲圻縣

向晚蒲圻道遙聞雞犬喧斜光入深巷疎雨過閒
門縣市渾依水人煙只類村蕭條燈火夕沽酒共
誰論

辰谿縣

早發辰溪渡清川喜泛舟山城歌粉堞江驛映朱
樓雨驟沙頽岸天寒水露洲蠻音聞漸異迢遞動

鄉愁

沅水驛

小驛孤城外陰森草樹幽
晚涼憑水榭秋雨坐江樓
絕域鴻難到空山客獨愁
夜深歸渡少漁火照汀洲

沅州道中

向夕人煙近肩輿歷翠微
驛花明去節山霧上征衣
果熟收梨棗蔬香煮蕨薇
開樽對佳客且喜吏人稀

平谿

徒倚平溪館天高秋氣清水螢光不定山籟響難
平夜火雲間戍寒楓江上城終宵無夢寐高枕聽
灘聲

鎮遠

寥落古城池斜光照戍旗關臨苗子砦洞入長官
司殊俗終難近蠻音久易知跼蹐暮江上又是仲
秋時

峽中

自昔偏安地於今息戰侵江穿巫峽隘山鑿鬼門
深濁浪魚龍黑寒天日月陰夜猿啼不盡淒斷故

鄉心

雨霽

斷雨懸深壁餘雷振遠空
蒼林橫落日碧澗下殘
虹萬井波光靜千家樹色同
何因共朋好歸詠舞
雩風

穫稻

穫稻妻孥喜中宵尚築場
但堪供俯仰那復問倉
廩合畝黃雲盛翻匙白雪香
更須催釀酒溪上鯉
魚長

晚歸自溪上

秋到城西樹綠溪落葉多數家連水竹一徑入煙
蘿廢井寒蟄聚閒窗暮雀過濯纓聞孺子燈下亦
悲歌

夜

地遠柴門靜天高夜氣淒寒星臨水動夕月向沙
低入室喧蟲語張燈住鳥啼自然幽意愜不是戀
深棲

月

宛宛秋山月今宵尚未圓光生萬里外影對一尊
前城靜虛弓倚樓高破鏡懸草堂風露下終夜不

成眠

除架

苦葉蕭疎久秋匏亦委沙
家人空抱蔓山鳥莫啼
花零落親寒事蹉跎感物華
衰榮轉相代何必恨
生涯

得錢水部書

故人俱落魄水部近何如
河上三年別天涯十月
書煙波愁望裏風雨夢魂餘
更在懷人作長吟淚
滿裾

宿胡山人家

騎馬侵晨出看山至日昏鳴雞千嶂裏高樹一家
村白石斜通徑清泉直到門祇疑人世外別自有
乾坤

登堅山寺

西峰插天起絕頂寺門開雲裏一僧住山中無客
來落花平講席積草徧香臺我欲聞清梵焚香坐
不回

懷李獻吉

冠蓋京華地斯人獨可哀神龍在泥淖朱鳳日摧
頽世路無知己乾坤孰愛才梁園別業在何日見

歸來

九日同諸友登賢隱山

野寺空崖裏高臺舊國傍山川待我輩風日媚重
陽雲嶠秋臨迥松林暮倚長由來宋玉意搖落自
悲傷

送孫世其舉人歸華容

爾去荊州府孤帆幾日開山過宋玉宅江到楚王
臺落雁衝人起浮雲度水來悲懷兼別緒歲暮若
爲裁

萬歲節

北望看辰極孤城首重回祥雲九重殿仙露萬年
杯鳳輦通宵備龍旂拂曙開侍臣金鑑錄誰有九
齡才

得五清先生消息尚客澧州悵然有懷

洞庭西去路消息幾回聞地僻難逢雁天長祇見
雲白蘋悲楚客斑竹怨湘君宋玉哀師意空傳九
辯文

寄張提學伯純

舊屬朝端望俱稱柱下才九霄驄馬出千仞鳳凰
來河洛經中嶽星辰動外臺山城有桃李花向幾

時開

聞陸舍人子引罷官兼懷徐舍人德章

惜爾官難達文章本鳳毛投簪歸海岸挂席趁江
濤張翰元思膾任公且釣鰲南逢徐孺子應話舊
同袍

寺僧留宿

留宿頻經夜虛空斷俗緣獨吟依野衲不寐聽山
泉水月人間地香燈象外天何時謝城郭來此共
安禪

登西巖寺

西林禪誦地石壁倚天開
曲磴千盤上飛泉一道
來園禽巢古殿野鹿過香臺
共坐題詩暮山花落
酒杯

訪堅山寺僧不遇

峭壁何年寺重來
雪路迷煙霞開寶地
霄漢接丹梯
逼面千峰起
回頭萬壑低
無人獨歸去
惆悵白雲西

趙生書堂竹

愛爾書堂竹青青
耐久看到門惟一徑
入院迥千竿
雨映爐煙細
霜生簟色寒
晚來幽獨興
題句刻

琅玕

送彭總制之西川

蜀道青天上岷山赤日西九重連授鉞萬里動旌
輦開府松杉靜懸軍玉壘低知公安蜀計諸葛大
名齊

元夜寺中集

火樹連龍苑煙花繞鷲峰詞人高宴會令節喜過
逢閣度銀河上窗含寶月重九衢風起夜處處有
歌鐘

秋夕懷曹毅之

百卉飄零盡孤鴻何處歸高樓橫暮笛萬戶搗寒
衣南國江湖遠佳人尺素稀獨愁誰與晤明月鑒
重闌

寄空同子卜居襄陽

爾定襄陽宅雲山好傍誰草憐王粲井花醉習家
池留滯悲江漢驅馳感歲時扁舟空悵望未有鹿
門期

寄易內翰

日日望長沙憶君城柳斜風塵愁燕雀江海歎龍
蛇公子天邊草夫人廟口花故鄉杯酒罷遙亦念

京華

寄三子詩

鄴杜終南曲邠岐渭北陞水多龍臥處山有鳳來
時星宿中宵動風雲萬里移滄江問靈劔離合少
人知

大祀

金榜星辰幕瑤函海嶽編受禧同漢室登禪異秦
年日抱龍旂轉天流羽蓋旋楊雄老陪從白首賦
甘泉

駕入

地轉瑤壇迴天迴翠輦高入城傳鼓吹開殿引旌
旄珮委春池草盤行上苑桃九天燈燭裏齊拜袞
龍袍

皇陵

陵闕皇靈闕山河王氣遙萬年龍虎抱每夜鬼神
朝玉盃留天地金燈照寂寥如看翠華度縹緲在
青霄

晚出左掖

洞門餘積雪御苑覆高霞吏散層霄上城行五鳳
斜青向初霽柳紅動峭寒花立馬清沙外空林集

暮鴉

荅潘都諫郊壇見遺之作

羽衛天行路龍帷御宿亭
壁壇流霽月銀闕動春星
諫獵心空赤逢時鬢尚青
極知陪從地瞻切五雲停

得顧華玉全州書兼知望之消息

地北憐爲別天南真可哀
同時萬里去隔歲一書來
水闊蛟龍出山深杜若開
相思有詞賦愁絕並登臺

得王子衡贛榆書

萬里一書劄，逾年傳帝都。
窺身天地遠，垂淚海雲孤。
柳送燕臺駿，花留漢殿鳧。
赤霄終道路，白髮且江湖。

登紫極閣

層閣重重麗丹梯，裊裊孤風雲上飛。
紫極氣色覽皇都，苑靜芙蕖落城喧。
鴈鷺呼蒼然，見淮楚鄉思滿平蕪。

世其宅夜集同君采作限難字

冬夕具盤餐，明燈坐不寒。
獨憐竹葉盞，仍對菊花圓。
素月縈窻細，高雲傍苑殘。
美人江國去，惆悵采

芳難

出遊功德寺

昔聞功德寺今出帝城西
晚日丹梯近秋天翠巘
齊荷衰猶映水樹古曲盤堤
十里經行地清沙送馬蹄

天壇沈道士觀中

夏日天壇上登臨傍九霄
川原一以眺樓觀鬱蒼
堯洞口逢丹侶花間醉碧簫
清沙日色盡翻恨馬蹄遙

出關過勤甫省中

竹垣通左掖花省接仙郎並坐停杯晚高談卷幔
涼水陰沉紺殿山影落雕牆愧我同朝客傳君寡
和章

立秋日呂景二內翰呂田二黃門見訪

高城下一葉亭榭已蕭疎河漢生秋早星辰動夜
虛玉珂停驥裏金硯落蟾蜍俱是文章伯相看我
不如

十月四日過良伯

古堂秋色暮霜晝靜煙沙鄰並常杯酒寒天尚菊
花流雲行苑細返景抱簷斜隻雁南翻去飄飄各

念家

寺中張子言自浙來話

石閣晴雲抱花宮夕漏催我遊天姥夢爾向海門
迴日月雙龍劍乾坤一酒杯山中問百草早晚折
春雷

夜過劉以道兄弟

風燈懸岸館竹色靜春沙山水停湘瑟池塘到謝
家雪融花尚細煙裊柳初斜對酌情親夜能無戀
物華

十五夜劉子緯宅子靜初至對月

長安今夜月復滿
桂花輪笛裏三年淚
尊前萬里身
關山上雲霧樓閣下
星辰况接離羣友
悲歌對
愴神

以行自西山還相訪

聞汝西山去題詩十日還
獨行翠微裏應到玉泉灣
石壁雲孤裊冬巖菊自斑
煙霞發妙思高詠眇
塵寰

夜歸昌化寺

日落歸山刹松風處處聲
幽深不易到昏黑更多驚
壑斷尋溪入峰迴截嶺行
茲遊藉朋好奇絕冠

平生

詠天寧寺塔

七級芙蓉起千年舍利藏地形標海嶽人代閱隋
唐鏡現三天象珠含四日光白毫空萬里處處有
迷方

大功德寺

寶地煙霞上珠林霄漢間宣皇留殿宇今日共追
攀御榻臨丹壑行宮鎖碧山帝城看不遠時見五
雲還

玉泉

行遊金口寺坐愛玉泉名雲去隨龍女風來動石
鯨入宮朝太液穿苑象昆明却望天河水迢迢萬
古情

鑑公房石鐙

石盃何年鑿瑤燈此夕然雲流自五嶽月色近諸
天定裏金輪轉光中玉鏡懸西來不滅影常照法
筵前

淇門

何處問商圻荒原尋斷碑雞鳴深市井雁入古城
池斜日人空弔浮雲世自移祇餘淇上竹綠色映

寒漪

銅雀臺

美人望陵處無復翠華過
殿冷閒歌吹宮春罷綺
羅落花嬌靨盡芳草怨魂多
日暮漳河水東流空
白波

百戰

百戰將軍死中原將士哀
山河猶汗馬霄漢已雲
臺敢料安危勢須還節制才
南征聞日遠消息幾
時來

冬月

冬月少光輝霜天影漸微鼓鞀仍雪塞燈火自風
扉水凍蛟潛泣沙寒雁不飛何時漢家將雙照羽
旗歸

十七夜月思

秋夜已如此美人安在茲含顰向玉魄揚采憶蛾
眉嫋嫋芳香歇盈盈白露滋河關悵伊阻誰復訊
佳期

九月十五夜月

萬里高秋月青天此夜看乍流關塞影遙出海雲
端淅淅開風幔輝輝傍菊欄清笳奏城闕爲報漢

宮寒

元日

元日王正月傳呼晚殿班千官齊鵠立萬國候龍
顏辨色旌旗入衝星劔珮還聖躬無乃倦幾欲問
當關

雁

嘒嘒胡笳怨飄飄南雁翔長風度關塞九月下瀟
湘積水浮連影遙空起斷行故園秋望盡聞爾淚
沾裳

寄彭幸菴中丞

山海藏身遠朝廷屬望頻
駿功收戰伐龍臥偃經
綸星宿黃河氣風雲華嶽
神生才元有待終起慰
斯人

登五丈原謁武侯廟

風日高原暮松杉古廟陰
三分扶漢業萬里出師
心星落營空在雲橫陣已
沉千秋一瞻眺梁甫爲
誰吟

登樓鳳縣作

近訊中原使兼登萬里樓
朝廷仍北極行在且南
州峽斷風雲隔江通日月
流如聞乘八駿早晚向

平遠居雅卷八

崑丘

咸陽原

千秋陵墓地駐馬惜茲行晚日登原殿晴天見渭
城望春時極目訪古獨含情奈有咸陽草風吹歲
歲生

草堂寺

昔讀高僧傳今看勝地形院寒留檜柏殿古落丹
青寶塔參遺影荒臺問譯經駐車春日暮散步出
林垌

普緣塔

石蓋凌空起丹梯出翠微雲從珠頂覆燈轉鏡中
輝雁沼波濤湧龍宮日月圍何能攀絕頂一覽漢
邦畿

長春宮

夜宿仙人館晨聞鳳吹停玉窻開曉月丹井汲春
星久秘長生訣空留不死庭下山回一望巖壑杳
青冥

益門

益門通漢沔棧閣上雲霄蜀道從茲始秦川望已
遙生風鄰虎穴迴日過龍標眇眇征途子雲山誰

見招

柴關

連峰入冥雨絕壁閃餘霞
水認秦人洞林疑謝客
家石門踐苔蘚源口覓桃花
他日求棲息無言此
路賒

昭烈廟

漂泊依劉計間關入蜀身
中原無社稷亂世有君
臣峽路元通楚岷江不向秦
空山一祠宇寂寞翠
華春

五言排律

寄徐博士二十二韻

有美雲間士才名洛下傳
逢時不得意謫宦轉悠然
殊渥優文學清階謝糾纏
班行亦霄漢官侶是神仙
樓閣星辰麗宮墻日月連
院桃紅爛日闕檜碧參天
賈誼爲王傅陽城淑後賢
諸生攻誦法六館藉陶甄
玉序金鏞列虛廊石鼓懸
雅音淒古調竒字索遺鐫
劉向憂經術楊雄困草玄
羅傷廷獄宅座歎廣文
氈魯壁藏書日齊門鼓瑟
年青衿時涕淚學士盡奔遷
鸚鵡愁金絡麒麟恥玉鞭
客心千里雁歸興五湖船上
國同傾蓋長宵更接筵彩

雲停翠管白雪遶朱絃
悵別燕臺下淒涼楚水邊
海鷗終浩蕩天馬自騰騫
朋舊稀相見江湖益可
憐因風問消息尺素幾時旋

寄邊太常

不薄淮陽守翻辭大省寮
聯翩追近地奉引憶先朝
碧落仙人館銀河織女橋
漢儀瞻鹵薄虞樂典簫韶
日月旂常動星辰劔佩搖
聳身殊道路回首隔雲霄
河內猶宜借山陰豈見招
乾坤五馬貴江海一麾遙
雅識懷金奏同遊歎玉鑣
歲年雙轂轉岐路一蓬飄
鸞翮終難鍛鶯遷本在喬
九苞應不

達覽德是何朝

雨後溪園即事

偃息春朝晏輕陰散野園山雲行翠壁谿雨度河
源鶯浴晴相倚鳧飛暖自喧疎楊映遠岸細草入
平原開徑徒懷侶臨流且避諠豹終隨霧隱龍豈
怨泥蟠鴻鵠皆千里雞豚自一村幽棲何限意難
與世人論

中元節有感

去歲中元節朝陵百職同嚴趨神路左遙拜孝園
東龍虎瞻玉氣乾坤仰帝功未迴衡嶽駕空隄鼎

湖弓啓兆龜圖順編年鳳曆終玉衣陳画幄寶瑟
闕立宮北極猶前日南薰亦舊風病居逢此日長
望五雲中

寄贈王子衡御史時按關中

獨坐清關內臺中覺汝賢函嶠天下險周召國風
先按節人文朗登臺使命宣豺狼避驄馬神鬼泣
龍泉文采驚流輩徵庸憶往年衣冠隨謁帝館閣
望登仙省接星辰近池臨雨露偏畏途逢改革新
法忤權奸放逐江湖去飄零歲月遷地卑棲鍛羽
天近起聯翩殘寇猶衝突蒼生極倒懸專征空授

鉞募戰豈論錢漂血江河赤僵尸楚蜀連俊才兼
武略要地有威權馬上排金戟軍前贈玉鞭笑談
安石計激切賈山篇漢苑南山下秦城北斗邊相
思一回首萬里各風煙

寄題丹陽孫氏七峰山房

聞爾山房勝青天秀七峰芙蓉壘日月雲霧裊杉
松塔倚巖巒積窗通洞壑重丹霞互明滅瑶草自
春冬靜得沉冥趣幽探仙聖踪源潭暗雷雨白晝
有蟠龍

蓉溪書屋

書屋蓉溪曲，雲林蜀嶺斜。一經韋相業，萬卷鄴侯家。
檻護連枝秀，池看並蒂葩。謝庭森玉樹，漢省接金華。
山月岷峨雪，江天灩澦霞。花潭通白石，錦水出丹砂。
星野光芒聚，鴻霄羽翼遐。地靈與文物，今古擅三巴。

渡涇渭

北回亂涇渭，東眺極澄瀛。落日兩盪瀉，遙天雙帶縈。
波流互明滅，岸折屢崩驚。隔樹望迴合，分濤揚濁清。
堰渠饒上壤，形勢迥西京。漕挽通秦甸，津梁跨漢城。
湮沉九州會，雄壯八川名。空挹入河志，復

含浮海情風沙滿世路雲浪渺江程鵲去星源遠
鯨翻霧島輕片帆儻可借萬里自茲行

梁園風雅卷八

梁園風雅卷九

何大復

七言律詩

武昌聞邊報

傳聞虜騎近長安北伐朝廷已遣官路繞居庸烽
火暗城高山海戍樓寒一時邊將當關少六月王
師出塞難先帝恩深能養士請纓誰爲繫樓蘭

岳陽

楚水滇池萬里遊使車重喜過巴丘千家樹色浮
山郭七月濤聲入郡樓寺裏池亭多舊主城中冠

蓋半同遊明朝又下章華路江月湖煙綰別愁

寄君山

塵踪西過巴陵地尚欠君山寺裏詩十里無緣攜
客到六年不見使人思空巖竹映湘妃廟舊井潮
深柳毅祠湖上老仙誰得遇夜寒橫笛向江吹

華容弔楚宮

別館離宮紛綺羅細腰爭待楚王過章華日晚春
遊盡雲夢天寒夜獵多廢殿有基人不到荒臺無
主鳥空過西江煙月長如舊只有繁華逐逝波

月潭寺

玲瓏金剝白雲邊踏閣攀林一徑穿龍出洞門常
作雨鶴巢松樹不知年僧來殿上鳴鐘飯客到山
中借榻眠怪底夜來難得寐秋風窗下遶流泉

憶中舍諸寅

憶昨共陪天北極幾回朝賀識龍顏簾開仙掖宮
雲近地隔金河苑日閒青瑣夜歸池上珮朱衣曉
入殿中班只今遠使違趨奉清夢常依霄漢間

安莊道中

處處人家空薜蘿幾年凋弊擾干戈山過白水峰
巒峻路入盤江瘴厲多嶺徼土風連百粵郊原人

語雜諸羅側身西望看銅柱此地曾經馬伏波

郢中

荆門南下接平疇蕭索風煙似晚秋衰草茫茫楚
宮廢荒城寂寂漢江流人亡異代空遺宅歲暮他
鄉獨倚樓最是陽春音調古至今歌罷少人酬

病後

病後頻驚節序過不將風景怨蹉跎秋來門巷依
楓橘歲晚衣裳戀芰荷洛下閒居辭宦早茂陵消
渴著書多鳳凰池上三千客騷裏空鳴白玉珂

吹笛

橫笛高城弄晚颺碧空如水雁來時關山月落腸
應斷樓閣秋生響易悲楊柳天邊渾折盡梅花江
畔故開遲武陵回首南征路一曲那堪馬上吹

秋興

三首

憶在京華近侍年五更清珮入朝天鳳凰池接夔
龍會閨闈樓開日月懸南國自通滄海貢胡塵不
動玉門煙只今病臥遙回首夜夜清光北斗邊
漢水東馳入楚來長沙秋望洞庭開江清樓閣中
流見日落帆檣萬里迴去國尚思王粲賦逢時空
惜賈生才湘南兩度曾遊地惆悵煙花暮轉哀

秋來門巷少經過。日日幽懷對薜蘿。一笑流光拋
客路。十年歸夢落漁簑。沙邊返照寒初斂。水上浮
雲晚故多。苦憶梁園辭賦客。黃河愁望渺煙波。

高夔府先生宅內賞菊

淺白輕黃千萬枝。幽香今日始相期。雨中籬落人
稀到。水畔亭臺蝶不知。折向秋風堪寄遠。種因晚
節故開遲。去年此會今皆健。來歲花時可對誰。

答雷長史

二首

每誦清詞動我愁。山中歲暮若爲酬。因攀桂樹遙
相憶。欲寄梅花可自由。萬里江湖雙涕淚。百年天

地幾交遊誰憐舊日中朝客謫向王門半白頭
十載寒氈鄭畫師風流文采更堪思朱門鼓瑟官
仍達青殿揮毫出每遲百里風煙還薄暮孤城雨
雪已多時極知歲晚傷心切起傍官梅自詠詩

送馬公順視學湖南

洞庭雲夢眼中寬襄國荆門掌上看三楚樓臺皆
壯麗萬年江漢自波瀾煙花白日空愁暮鴻雁青
春尚避寒莫道秦川歸未得人間今日路行難

春興

東風回首即殘春日日清江愁白蘋北去雲霄無

道路西來天地有煙塵身經貴賤知交態事到安
危憶古人却喜故園桃李樹花開又見一回新

對雪懷劉朝信

十月孤城雲黯黯萬峰飛雪此溪邊煙斜細細縈
寒日風急飄飄落暮天何處玉珂迷紫陌幾家銀
燭照華筵茅堂此際堪乘興不放山陰半夜船

西海子

寺下煙波春不開苑中風浪隱樓臺源泉細繞西
山出雲氣深從北極來萬里乘槎觀日月十年登
閣望蓬萊黃塵碧水須臾事莫使魚龍夜夜哀

別王秉衡御史

客車梁地相逢日，驄馬秦關獨去時。
荏苒風塵千里別，飄零江海六年思。
旌旗暮入黃河戍，殿閣晴登華嶽祠。
攬轡未應違壯志，揮毫先已見雄詞。

元夜仲修宅對月

春月同看此度圓，酒杯聊得慰愁顏。
官前火樹晴相照，苑外金珂晚並還。
南去漢兵連楚蜀，北來胡馬傍關山。
侍臣尚憶先皇宴，漸近清光霄漢間。

送張子之浙江

張子別我吟玉壺，荷花五月下江湖。
南探禹穴行

逾遠東望滄溟興不孤
司馬少年遊萬里左思當
日賦三都平生壯觀今塵土回首高歌愧爾徒

七夕

楚客旅魂驚巧夕燕京風俗鬪穿針
樓臺送暑催秋扇關塞迎寒起暮砧
海內弟兄風雨夢天涯兒女歲時心
乘槎莫問支磯石河漢年年此夜陰

宗哲初至夜集

衛川舟楫九秋旋京洛衣冠更此筵
萬里况逢鴻雁候一杯仍對菊花天
燈前月落城烏起堂上雲開塔樹懸
聚散古今同逆旅暮看風景倍悽然

和張子純白髮

我見秋風驚壯心君悲白髮苦相侵
愁多不道潘年少吟苦誰知越思深
客裏歲時供覽鏡天邊霜雪助沾襟
平生浪說如雲盛蓬鬢稀疎底似今

月夜王宗哲宅贈田勤甫江西提學

高城吹角此宵寒
遠客今歌行路難
歲暮風煙殊
去住天涯燈火共
悲歡西江月落移舟入南斗
星懸倚劔看廬岳
玉山千萬里不知何地望長安

送殷近夫之青田

石川居士昔餐霞
爲吏風塵不怨嗟
海上故栽彭

澤柳江邊新種洛陽花飄飄暮送凌空鳥渺渺春
迴上漢槎安得便同仙令去遠從勾漏覓丹砂

得獻吉江西書

近得潯陽江上書遙思李白更愁子天邊魑魅窺
人過日暮龍鬣傍客居鼓柁襄江應未得買田陽
羨定何如他年淮水能相訪桐柏山中共結廬

送賈學士之南都

金陵樓閣九天開銀漢仙槎萬里來官月夜懸鷓
鴒觀江樓春轉鳳凰臺直從北極看南極却望中
台接上台鳴世早傳吳下作逢時真羨洛陽才

送施聘之侍御

海甸春風攬轡情
燕關驄馬去還鳴
繡衣霄漢花間出
錦纜江湖樹裏行
近日西臺多諫草
少年南國有詩名
別絃更憶風流調
愁聽東城二月鶯

送杭憲副兵備天津

天津橋北望京樓
金鼓東行節使舟
日月晝懸滄海樹
龍蛇春壓九河流
百年貢篚通南極
萬里旌旄屬上游
莫笑談兵尊俎上
書生元不爲封侯

鮭魚

五月鮭魚已至燕
荔枝盧橘未應先
賜鮮徧及中

漢書卷九
璫第薦熟誰開寢廟筵白日風塵馳驛騎炎天冰
雪護江船銀鱗細骨堪憐汝玉筋金盤敢望傳

送王御史德輝西巡

中朝御史重西巡獨下青霄斧鉞新隴雪洮雲行
塞日胡琴羌管奏邊春蒲桃不博涼州地天馬還
隨漢使臣白筆萬人看氣象肯令河外有煙塵

送衛進士推武昌

少年佐郡楚城居十郡風流盡不如此去且隨彭
蠡雁何須不食武昌魚仙人樓閣春雲裏賈客帆
檣晚照餘大別山前江漢水畫簾終日對清虛

九日獨酌簡何太僕

無客秋堂菊自芳
寒城獨酌對重陽
愁來轉覺登臺懶
病裏誰傳落帽狂
海內弟兄非異姓
楚南賓客本同鄉
十年躍馬從君地
風雨看花意不忘

懷寄邊子

汝從元歲侍今皇
誰念先朝老奉常
一出雲霄空悵望
十年岐路各蒼茫
春天縹緲金莖露
晝日氤氳紫殿香
獨有楊雄尚陪從
白頭抽筆賦長楊

寄康子

十年朋輩飄零盡
海內兵戈戰鬪餘
花劇秦川誰

見汝雁稀燕北渺愁子碧山擬著潛夫論丹壁應
藏太史書自笑此身今更出風塵空望白雲居

用韻荅以行

無客琴書晝掩堂有詩先夢謝家郎雨來碧草遙
添色風過紅蕖不斷香多病更逢愁是敵此身那
得醉爲鄉巷南巷北稀相見偏側歌殘送夕光

石磯

石磯無伴滿蒼苔秋杜春蘭晚自開江日煙波雙
鳥去楚天風雨一舟來釣鰲獨有滄溟興夢鶴誰
知赤壁才芳草歸人不愁思水雲山郭見章臺

過寺訪以行

今年春色倍堪思，柰爾看春病起遲。
窗矚太行雲斷處，坐聞江漢雁來時。
柳香漸撲燕姬酒，草色頻催謝客詩。
更欲息栖尋野寺，細蘿芳杜碧山期。

敬夫康德涵四子同遊

峻閣含風落照孤，憑高千里視平蕪。
鳳笙錦曲春縹緲，瑤草春光晝有無。
採藥幾時尋碧海，種桃無復問玄都。
五陵冠劍豪遊地，猶是長安舊酒徒。

輞川

飛泉萬壑通藍水，仄徑千峰入輞川。
野老豈知旌

節到世人空作畫圖傳
鼉鼉岸坼深無地
雞犬林開忽有天
即此買山堪避俗
桃源何必訪神仙

華州作東桑汝公

秋城雨色靜微塵
過陝山河望轉新
天上岳蓮開二華
雲中關樹引三秦
追遊少小還今日
浪迹乾坤任此身
乘興欲攀仙掌去
未知登覽共何人

東林書院

東林精舍接東城
出谷先歌伐木聲
氣象久瞻程伯子
樞趨今見魯諸生
芝蘭入室香俱化
桃李開門樹總成
河渭滔滔同向海
濟川舟楫幾時行

送盛斯徵巡撫四川

向來才藉九重知此去勲名萬里馳
玉壘霜威侵斧鉞錦城花色駐旌旗
征南諸葛籌先定化蜀文翁事更宜
巴水秦山元自接好音莫遣北來遲

七言排律

平夷所老人

平夷老人髮兩肩哀淚落古城煙歲收斗粟輸
田賦日向諸鄰乞米錢風雨饑寒趨路側子孫流
落避兵年青春有伴難還土白首無家尚戍邊官
裏征徭何日已軍中苦樂古來偏魂驚戰鼓心猶

怯臂中飛弧肉盡穿獨去負戈巡夜若誰來銷甲
種春田朝廷德意思柔遠閭幄謨猷在識先夷狄
本爲王者外卒徒能受帥師憐敢愁溝壑填衰謝
只擬封疆息穢羶我願麾前法唐將籌邊有策到
今傳

寄李郎中

星辰畫省鳳凰池同接金門白玉墀庭樹晝開塞
碧幕苑花春好並金羈西京車馬誰言樂東漢衣
冠忽已悲萬里艱難歸故土兩鄉迢遞限雲遠青
冥垂翅人皆惜白日批鱗世所知天上神仙元有

謫古來賢聖本多危陸機入洛名逾盛司馬遊梁
賦益竒海內競傳高士傳朝廷誰訴黨人碑齊堂
雷震寬臣出魏闕天高獄吏欺千古死灰安國淚
萬年災異廣川辭虞羅亦放冥飛鳥卜獵何煩後
載罷得失竟須知塞馬榮華終不易塗龜嗟子寒
拙慚君匹念汝風流實我師索處自應思故舊生
涯今已笑支離遨遊昔忝登龍會驚下深懷附驥
思貢禹王陽同出處鍾期伯子是交期河陽雲樹
情俱苦渭曲煙花願豈遲回首西山多寇盜扁舟
南國有旌旗腐儒潦倒愁瀟壑遊子飄零枉歲時

路阻時危難會面不禁涕淚望君垂

梁園風雅卷九

梁園風雅卷十

何大復

五言絕句

絡緯吟

絡緯催寒女悲吟入繡幃
秋風啼不斷相伴下鳴機

雨後

四首

三日不出門草長門前路
登樓一水明倚柱千山暮

片片白鷗鳥看人隊隊飛
沙頭莫相認與爾久忘

機

檻倚崩沙出籬通亂水過家人休掃石自愛碧苔
多

朝聞城西鐘暮望城西寺寺傍二古松長藤垂到
地

獨坐

獨坐鳴蟲起秋懷已不勝西風窗下度木葉灑寒
燈

獨立

獨立對秋陰冥冥望河渚只見沙上煙不見煙中

雨

長安

白雲望不盡高樓空倚欄中宵鴻雁過來處是長安

九月桃李花

九月桃李樹花開滿故枝寄言車馬客不是豔陽時

寄劉東之憲副

長安經歲別日日望春歸不及隨陽鳥雙雙又北飛

寄孫世其 二首

驀裏如龍馬長鳴碧草萋萋莫將千里志暫悔蹶霜蹄

對書當爲讀對食當爲飽平生無限事努力在遠道

白雪曲 四首

美人朝玩雪置酒臨高臺祇疑仲春月風送落花來

暗逐梁塵起潛隨燭影流似憐歌舞處故入高樓

梅花開雪中相看鬪奇絕
常教雪似花莫遣花成雪

簾幃照明雪美人起常早
行看玉階上一夜長瑤草

璽上人送茶

鬱鬱雲中秀山僧採相饋
我有毒熱腸此是清涼味

小景 二首

樓閣倚江濱桃花照暮春
安知看花者不是武陵人

草閣散晴煙柴門竹樹邊
門前有江水常過打魚
船

寄李獻吉

君作梁園客子登楚水臺
春風河上柳不寄一枝
來

登樓

獨坐高樓上看花淚暗流
東風無限好日暮使人
愁

雙梧草堂

二首

君愛堂前樹嗟峨碧榦雙
相思秋月下楓子落雲

窻

記得別草堂采采桐始華銀牀飄一葉秋到美人家

題畫

古洞入青冥山通武陵渡漁郎莫放舟恐失花間路

飲鮑以忠

萬戶夾垂楊君家大道傍相逢一尊酒何惜醉他鄉

清明

何限新桃李春來樹樹花不爭風雨惡無奈委泥沙

六言律詩

上元葉邦重別墅歸

昏鐘野寺到郭晚飯人家出村斜日山顛水曲東
風萬戶千門星河渡口深夜燈火城中上元猶似
去年今夕不堪煙景銷魂

盤屋清明日

客裏遙逢令節城中不見繁華南山漠漠煙遠清
渭迢迢日斜獨樹桃花自發高樓燕子誰家可惜

年年春色催人白髮天涯

六言絕句

贈賈司教先生

一賤一貴世態有憂有樂人情應鱣關西夫子知
魚濠上先生

江南思寄曹毅之

二首

燈下雨鳴秋舫浦口潮迴暮鐘何處相思不見江
南開遍芙蓉

細雨寒城催棹夕陽孤嶼鳴鐘到寺莫題蕉葉渡
江爲採芙蓉

七言絕句

遊黔國魚池

二首

小岸城邊上輕舸一溪宛轉向魚池
水藤濛濛荷葉暗棹入中流總不知

池邊二十五亭臺箇箇朱窻向水開
亭下扁舟蕩雙槳打魚送酒幾回來

溪上水新至漫興

雙飛鷓鴣戀青莎對舞蜻蜓愛碧波
一夕水風開菡萏畫船齊唱採蓮歌

秋日雜興

五首

雨花風葉總堪憐
海燕江鴻各渺然
莫向高樓空
張望暮蟬多在夕陽邊

急杵繁砧一郡秋
西風落月萬家樓
不知塞下征
人怨但見閨中少婦愁

釣臺臺下澗水清
釣臺臺上秋草生
當年誰是持
綸者賢隱山高萬古情

溪上茅齋楓樹林
渚雲沙日共陰陰
連朝不遣家
童掃紅葉蒼苔一尺深

竹靜沙寒野日低
門前秋草不成蹊
山禽汝亦何
多事來向棠梨樹上啼

鷄鳴曲

雞鳴城中滿樹霜青樓旭日照流黃鳴箏錦瑟秋
塵裏玉雁金蟬共一行

吾郡古要害地也閒居興懷追詠古跡

二首

寂寂孤城申伯臺廢園遺沼盡堪哀繁華唯見東
流去歌舞空傳此地來

震雷山頭石潭水夜夜蛟龍行雨歸青春下與滄
溟會白日常聞霹靂飛

雨中看花

昨朝日照花盡開今朝雨多花可哀由來落花無

根蒂隨風吹去又吹來

任洪器草亭

繞屋南山秋色靜
數枝寒菊一籬煙
酒醒讀罷秋聲賦
風落松梢響石泉

岳豫之小畫

碧江樓閣夕陽邊
萬壑千峰生暮煙
江上長松一千尺
月明常繫打魚船

元夕懷都下之遊

二首

紫禁煙花一萬層
鰲山雲裏見峻嶒
繁星散作宮中炬
明月來爲殿上燈

夾路香塵夜不開
萬人爭道看燈來
金波宛轉千門裏
銀漢逶迤一道迴

寄岳陽龐推官

二首

洞庭湖邊花柳新
岳陽樓上更逢春
閒來載酒題詩去
還似當時賈舍人
湖水春來不見沙
九疑南望是天涯
軒轅臺上清風樹
湘女祠邊日暮花

閨情

秋風嫋嫋生羅衣
美人夜泣紅燭微
郎騎白馬臨邛去
樓上年年燕子歸

寫情

莫將錦瑟怨年華
柳絮飄零夢謝家
小院迴廊鎮
春晝何人來爲掃庭花

送鄉人還

楊柳花飛蕪草青
故鄉南望幾長亭
城邊客散重
回首愁見孤鴻落晚汀

諸將入朝歌

二首

龍虎金陵擁帝居
吳關水府控淮徐
樓船一鼓風
波力滄海鯨鯢作釜魚

戰士歸來皆武冠
紫纓騶馬跨金鞍
可憐萬國城

詞譜卷十
詞譜卷十
頭月照見沙場白骨寒

宮詞 二首

碧草萋萋生御溝垂楊嫋嫋夾朱樓
窻臨北斗空中起水接銀河天上流

微霜淒淒金井欄城頭月出凍雲殘
玉樓高對蓬萊雪誰道宮中夜不寒

贈薛君采

爾夢仙人海上行蓬萊清淺不勝情
金門再見東方朔笑指蟠桃花更生

梁園風雅卷十